

Oberfläche Goofe

introitus

Mer send d'Oberfläche Goofe,
singed was das Jahr esch gloffe ...

Mer send d'Oberfläche Goofe,
händ zwoi Jahr lang ohni eu gsoffe.



tu desertus desolatus tenedo

Melodie: De Töff vom Polizist

Im Norde chasch verbi ohni in Fläche ie.
Diä Strategie duet mer in Zurzi witerzieh.
Gli chamer no direkter zu de Schwaabe go
poste,
dank de Gwerbumbfahrigsstross im Oste.

Tenedo, Zurzach, Bad Zurzach, Zurzach,
Tenedo, Zurzach, Bad Zurzach, Zurzach,
Tenedo, Zurzach, Bad Zurzach, Zurzach,
mer chond guet a der verbi.

S'Fasnachtskomitee seit s'goht au das Jahr nöd.
Aber d'Home-Fasnachts-Pflicht diä finded mer
blöd.
Mer bruched Massnahme anstatt nor Wunde
z'lücke.
Soscht werd Zorzi en Geisterfläche.




viculus extra tenedo

Melodie: En Kafi am Pischterand (Vreni Schneider)

Es Kaff am Zurzirand
esch för de Steibruch bekannt.
Will ned debi si,
stoht ganz ellei,
esch voll abkapslet.

Es Kaff am Zurzirand
leichtet no Wederstand.
Wer will dänn scho,
ungfilteret - no
hinder dem Logo stoh.

Spruch: Mellike – What else !!!



bella gernat alii, tu felix tenedo nube

Melodie: Vogelhochzeit (Volkslied)

Dudududududududum
Melike, das duet sich ziere
macht ned mit bem fusioniere.
Dudududududududum

Das Gehabe chont eus vor,
wie das gallische Dorf vor velne Jahr.
Dududududududu *dumme Cheib*

A somne Ort muesch der vorstelle
häts vel knackigi Jungselte.
Dududududududu *Du ned!*

Schicket eus paar Brüt verbi,
sie chönnted au vo Zurzi si.
Dudududududududum

Velecht chiemmted d'Melliker uf Zozi ie,
wenns de Schwöschtere chönnted d'Kleider
abzieh.

Dum Dum Dum Dum Dum Dum Dum
Dum Dum Dum Dum Dum Dum Dum

Wo send d'Schwöschtere? Sie legged dehei,
vor luter Tinder scho Hoor a de Bei.
Es lauft Netflix ond s'esch huere geil,
velecht esch`s för d'Zorzi Fasnacht en Vorteil!




scientia non olet

Melodie: es schneieled, es beieled

De Staat de samlet,
all Informatione
zom Pandemie idämme.
Drom gänd jetz oii Daten a,
dass es de Staat cha stämme.

Wer chan am Beschte,
sech met Date Mäschte.
D'Vorlag di esch steil
Well China häd - bem Überwachigssport
de Olympia-Heimvorteil.




petasi alumina

Melodie: Wellerman (Nathan Evans)

Hey Lüt wachet äntlich uf.
Wänn mer ned handelt, goht d'Wält druf.
Chrüz ond Querdänker überall,
warned eus vorem schlimmschte Fall.

Refrain:

Dass mer stark abhängig send,
schnallt jetzt wöckli jede - Goof.
So Lieferchettene send fatal,
Querlänker - im Suezkanal.



Strophe:

D'Autos send knapp well d'Chips gönd us.
Es fehlet Pellets förs warme Huus.
D'Rohstoffprise stiget ah,
well all wänd Huet us Alu ha.

Refrain:

Eusi Freiheit esch in Gföhr,
esch för Leerdänker ond Schlofschof klar,
Sie send sech einig was niemert wot,
dass wöckli s'Schissipapier usgoht.

S'esch skandalös
S'esch bodeböös
S'esch schuderbar
Aber s'esch wahr



www.goofe.ch



MACH'S
DER SILBER
ZORZI FASNACHT
2022